

RNI 68092/83 Regn. No. N.E. 1024

From

Synod Literature & Publication Board

Synod Press Building (Top)

Aizawl – 796 001, Mizoram

Phone : 2324590



Vol. XXVIII No. 319

N E W S L E T T E R

May, 2010

INDIA RAM PRESBYTERIAN KOHHRAN INKHAWMPUI LIAN VAWI 39-NA CHANCHIN

India Ram Presbyterian Kohhran Inkhawmpui Lian wawi 39-na (39th Biennial General Assembly) chu 21-25 April, 2010 chhung khan Mawngap Presbyterian Kohhran, KJP Synod Sepngi chhungah hman a ni a; Synod hrang hrang aṅanga palai kal zawng zawng chu 760 an ni. Mizoram Synod palai kalte zingah India ram hmun hrang hrang aṅanga kal an awm avangin Mizoram Synod aṅanga kal zat chiah hriat harsatna chen a awm a, Synod hruaitute chuan Mizoram Synod aṅanga palai kal hi 270 velah an ngai. Vanduaithlak takin palai kal zinga mi Rev. Lalchhawnkima, Ṭhuampui Bialtu Pastor chu an chuanna Bus leh Motor dang insu avangin a khel ruh a sawh nâ a, Shillong Damdawi Inah a awm, Kohhanhoten i ṭawngṭaipui ang u. PCI General Assembly Moderator ṭanglai Rev. E.F. Lyngdoh-a, Haflong lama rawngbawla a zinnaah March 20, 2010-a lungphuchawla a thih thut avangin a hmun ruak luah turin Moderator kal chhuak hnaivai ber Rev. C. Rosiama (Mizoram Synod) sawm a ni a. Ani hian Moderator kal chhuak tur hna thawkin Committee pawimawh kaihhruai aṅanga Moderator thar charge hlan thlengin Inkhawmpui a hruai leh a ni. PCI General Assembly Moderator nih laia chatuan ram pan awm chhun Rev. E.F. Lyngdoh-a an uizia leh an zahna lantirin Inkhawmpui palaite chu minute khat ngawi rengin an ding.

PCI General Assembly Puipate 2010-2012: PCI General Assembly Puipa thar atan heng mite hi ruat an ni:

Moderator : Rev. Dr. L.S. Khawbung (CHT Synod)

Moderator Elect : Rev. S.I. Iawphniaw (KJP, Sepngi)

Secretary (Sr.) : Rev. Lallarmawia (Manipur Synod)

Secretary (Jr.) : Rev. Zosangliana Colney (Mizo Synod)

Treasurer : Rev. Dr. J.F. Jyrwa (KJP, Minghi)

Statistician : Rev. Tualzachin (Zou Synod)

Administrative Secretaries

Rev. Lalramliana Pachuau (Senior) - Mizoram Synod

Rev. S.S. Majaw (thlan nawn) - KJP Mihngi “

Rev. David T. Lhouvum (Thlan thar) - CHT Synod

(Administrative Secretary-te hi PCI General Headquarters, Shillong-a thawk, a hmun ṭhu an ni).

THUREL TLANGPUI

1. General Assembly-in a tih ṭhin angin PCI hnuai a Ṭhalai Pawl, Presbyterian Youth Fellowship (PYF) Leader atan Rev. Dr. K.Lallawmzuala, Mizoram Synod ruat thar a ni a; PCI hnuai a Hmeichhe Pawl, Presbyterian Women Fellowship (PWF) Chairperson turin Ni. P. Tiewsoh, KJP Synod Sepngi ruat thar a ni bawk. Anni hi 2011-2012 chhung ṭang tura ruat an ni.

2. Administrative Secretary tih hming thlak a, General Secretary leh Associate General Secretary tih zawk

rawtna awm chu ngun taka sawi ho a nih hnuah Executive Committee-in a lo zir chian leh zual tura tih a ni.

3. General Assembly hmasa thurel bawhzuiin WCC-a member nih leh nih loh chungchang ngaihtuah a ni a. Synod tin aṅanga ngaihdan a luh kim hnua sawi ho leh tura dah a ni.

4. HIV & AIDS chungchanga PCI policy tur ruahmanna thlir ho a ni a. Ruahmanna chu a tlangpuia pawm a ni a, Executive Committee chu ruahmanna felfai zawk duang leh tura tih a ni.

5. Singapore rama Presbyterian Kohhran (Presbyterian Church in Singapore) nen thawh dunna thuthlung ziak a ni a. Singapore aiawhin an Moderator Right Reverend Phua Chee Seng leh Upa Richard Chong, Executive Secretary-ten hming an ziak a, PCI aiawhin Rev. Dr. L.S. Khawbung, Moderator leh Rev. Laldawngliana, Administrative Secretary-ten hming an ziak bawk.

6. PCI General Assembly Committee nghet hrang hrangah Hmeichhe Pawl (PWF) leh Ṭhalai Pawl (PYF) aiawh pakhat ve ve telh tawh tura tih a ni a, a member turte chu anmahni ruat ṭhin tura tih a ni bawk.

7. Rawngbawl na peng hrang hrang chungchang zir hona hmun tur (*Centre for Capacity Building*) lian tawk tak Shillong-a din tura lo rel tawh chu tihpuitlin a nih theih nan tluang takin hma lak zel a ni a; Executive Committee-in a enzui zel tih report a ni.

(phek 2-na thlur 2-naah zawm a ni)



Editorial Staff

Rev. Thangzauva Upa H. Ronghaka
Rev. B. Lalngkhakliana
Upa C.H. Thangkhuma

Khawvelah hian Pathianin a ram din a, a duhzawng tihhlawhtlin a nih theih nan Kohhran a din a. Chu hna ropui tak chu thawkin ram tina ringtute chuan kawng hrang hrangin hma an la nasa hle a. Khawvel zawng zawng hi kan Lalpa leh a Krista lalna ram a lo nih theihna turin keini pawhin mawhphurhna kan nei - nun leh thiltiha a ram tizau turin tih theih kan nei a ni. Rinawm leh taima taka kan thawh chuan lallukhum kan la chang dawn a ni tih hriain, mahni awmna hmun theuhvah thahnemngai takin i thawk zel ang u.

MISSIONARY PASTOR TIRH CHHUAHNA

May 2, 2010 (Pathianni) khan Kulikawn Kohhran Biak Inah Synod-in Mission Field hrang hranga rawngbawl hna thawk tura a dah Missionary Pastor-te tirh chhuah inkhawm buatsaih a ni a. He inkhawm hi Rev. Lalzuithanga, Executive Secretary i/c Mission-in a kaihruai a, Synod Moderator Rev. C. Chawnglianin tirh chhuahna hun hmangin thuchah a sawi nghal a; Upa Vanlalhuma, Synod Secretary-in tirh chhuahte puala tawngtaisakna a hmang. Mission Board Secretary Rev. Lalchhuanmawian malsawmnain he inkhawm hi a tin a ni.

Missionary Pastor tirh chhuahte leh an awmna hmun tur chu hetiang hi a ni:

Rev. H.Lalhmimgawia, Guwahati Ramthar, Assam Field.
Rev. Lalfakawma Chhangte, Dibrugarh, Assam Field.
Rev. Dailamthanga, Miao, Arunachal East Field.
Rev. Vanlalhruaia Ralte, Luchow, Lucknow Field.
Rev. R. Lalremsiama, Tuingoi, Tripura Field.
Rev. Zaithanmawia Pachuau, Pasighat, Arunachal W. Field.
Rev. H.Lalnunmawia, Manahari, Nepal Field.

MISSIONARY TRAINING COLLEGE

Synod Inkhawmpuiin hawn tura a lo rel tawh **Missionary Training College** chu June 4, 2010 khian hawn tura ruahman a ni a; he College-a B. Miss. zir hmasa ber tur mi 15 pawh SMB-in a thlang fel tawh a, zir tura thlan zinga pathum hi thawk mek lai niin 12 erawh chu pawn lam ațanga zir dilte an ni. College-a zir tan ni tur tak chu June 7 a ni ang. B. Miss. hi kum thum zir tur a ni ang. MTC-ah hian Principal telin zirtirtu pakua an awm mek a, foreign lam mi pawh zirtirtu an awm theih beisei a ni. MTC-ah hian Synod Mission Board-in Missionary training a neih kha la kalpui zui zel tura tih a ni bawk.

(Phek khatna chhunzawmna)

Synod ațanga thu lutte

8. Mizoram Synod ațanga thu lut Minister, Synod pakhat ațanga Synod danga pemte dawnawm dan tur tichiang tura ngenna chu *'Executive Committee-in rawtna mumal tak nen General Assembly leh-ah rawn thlen leh rawh se'* tih a ni.

9. Kan ram chhunga Kristiante tawrhna raphlak tak tak-ah hian PCI-in hma la ve thin rawh se tih Mizoram Synod ațanga lut chu ngun taka ngaihtuah a nih hnu-ah *'Executive Committee-in General Assembly hmingin hma lo la thin rawh se'* tih a ni.

10. Kohhran Hmeichhia leh Thalai-te Synod-a an palai theih dan PCI Danpui Bung 5:2(a)-in a sawi hi tihchian ni rawh se tih Mizoram Synod ațanga thu lut chu *'Executive Committee-in lo zir chiang sela, General Assembly leh-ah rawn thlen leh rawh se'* tih a ni.

11. General Assembly-ah Finance Committee din ve ni rawh se tih KJP Synod (Sepngi) ațanga lo lut chu ngun taka sawi ho a nih hnu-ah *Executive Committee-in sum chungchanga Working Committee mawhphurhna by-law in a sawi hi rawn siam belh deuh sela, a hranpaa Finance Committee din lovin a kal theih ang* tih a ni.

Budget: Kum 2010 - 2011 chhunga PCI General Assembly Budget atan **Rs. 48,64,000/-** pawm a ni a; hei hi Danzawhkim pakhat zelin Rs.4/-a thawh tur anga hisapin Synod tinah sem a ni a; Mizoram Synod thawh tur chu Rs. 14,45,080/- a ni.

2012 PCI General Assembly chu Mizoram Synod chhungah nghah a ni a, a hmun (Kohhran) chu la ruat tur a ni. Kum 2012 General Assembly Thlarau lam Thupui atan **'Krista - Thil siam Lalpa'** (*Christ- The Lord of Creation*) tih thlan a ni a, Thupui sawi turin Rev. Dr. M.J. Hynniewta (KJP Synod Minghi) ruat a ni.

Inchhiarna: Presbyterian Church of India inchhiarna dinhmun thar ber hetiang a ni:

1. Synods	- 8	2. Administrative Area	- 1
3. Presbytery	- 105	4. Bial	- 503
5. Kohhran	- 2931	6. Branch Church	- 771
7. Ministers	- 827	8. Pro. Pastor	- 122
9. Kohhran Upa	- 9101	10. Kohhran mi zawng zawng	-
			12,06,737

Inkhawmpui thlengtu **Mawngap Kohhran** hi kum 1925-a din a ni a, a din tirh chuan *"The Welsh Presbyterian Mawngap"* tih a ni. Kum 1941-a Kohhran Upa pahnih an thlan kha kum 1972-ah Upa dang pahnihin an belh leh chauh va. Tunah erawh chuan Kohhran nung tak leh thang duang tak niin Member - 2707 an awm a; zo takin PCI Inkhawmpui Lian an thleng a, palaiten nuam an ti hle.



Mite chuan, “Râl Vêngtu, tunlai hian kan khawpui rawn beitunge hi a then chu kan mi leh sate zinga mi an ni a, thu tak bik sawia mi bote tana thahnem ngai tak niin an insawi baw si a, engtin nge zirtirna dik lo hi kan hriat chian theih ang?” an ti a.

Râl Vengtu chuan, “Isuan, ‘an rahah in hre mai ang,’ a tih kha hre reng ula, Kohhran ațanga chhuak ni lo thahnem ngaihna thenkhat hi chuan, ‘an la varpawh lo,’ tih te, ‘an la piangthar lo,’ tih te, ‘an thlarau lam mit a la del,’ tite hian an rawngbawlpui thenkhatte an diriam thin a. An thusawi anga sawi lote, an pawm anga pawm lote chu varpawh lovah an ngai thin a. Hriatna tlang sang taka ding nia inngaiin thu an sawi thin.

“An thusawi chu dik thawkhat angin lang mah se mite thinlung a tai hlek hlek a, a tipumkhat lo tial tial a, Kohhranah lamțang bik a siam thuai thin.

“Hetiang thahnemngaihna thli chhia a lo thawt apiangin Kohhran hriatpui loh Home Crusade te, Special Campaign te, eng eng thahnemngaihna emaw hi a lo chhuahna a nih thin avangin ngun taka ena dawnsawn dan tawk thiam tur a ni.

“Hetiang avanga Kohhran inpumkhatna a chhiat tawh chuan siam that a har tawh thin a. Thu tha sawi pawh a chhezawngin kan thlir tlat tawh thin. Vawkpui tan bâl hi chaw tha ni mah se vawk vawm nan i hman chuan ei lovin a tlan chhiatsan daih ang,” a ti a.

Mite chuan, “Râl Vengtu, i thusawi ațang chuan kan harh hawk mai a,” an ti a.

KRISTIAN CHHUNGKAW INCHAN SIAK

Family Guidance & Counselling Centre chuan Kristian chungkaw dinna kawnga hmasawn theihna tur a nih beiseiin, he lama zirtirna tha leh țangkai Kristian chungkaw Film inchan siakna a buatsaih a, Presbyterian Kohhran hnuai tualchhung Kohhran a duh apiang tan tel theih a ni. Film Thupui (Theme) chu **Kristian Chhungkaw hlutna leh hemi lama zirtirna tha leh entawn tur tha pe thei tur** tih a ni. September 2010 ral hmaa theh luh tur a ni.

Lawmman pakhatna	Rs. 50,000/-
Lawmman pahnihna	Rs. 30,000/-
Lawmman pathumna	Rs. 20,000/-

Heng bakah hian intihsiaknaa tel zawng zawng tan lawmman Rs. 1,500/- a awm baw ang. A chipchiar hre duh tan Office hun chungin FG&CC Office phone 2324443-ah zawh fiah theih a ni.

PRESBYTERIAN HOSPITAL, DURTLANG APRIL 2010 CHHUNGA THIL DAWNTE

I. Charity Fund

1. RS. Drugs Store, Upper Bazar	Rs. 3,700
2. Gateway Enerprise, Bawngkawn	Rs. 1,300
3. Lalzulliani, Rangvamual	Rs. 500
4. Sairang Pastor Bial Kohhran Hmeichhia	Rs. 16,505
5. Sairang Presbyterian Kohhran	Rs. 10,000
6. B. Lalrinawma, Mission Vengthlang	Rs. 10,000
7. Elder Sonic Castle, Walse	Rs. 7,000
8. Model veng Presbyterian Kohhran	Rs. 2,415
9. Sarah L. Pachau, Zarkawt	Rs. 4,000
10. Upa C. Lalramzauva, Hmunthar	Rs. 5,000
11. Mizo Signal Corp, Durtlang	Rs. 500
12. Life Drugs Centre, Upper Bazar	Rs. 32,550
13. East Lungdar Venghlun Kohhran	Rs. 1,000
14. Elsadai, Nongshiliang, Shillong	Rs. 500
15. Selam Kohhran	Rs. 1,000
16. KTP, Sihphir Pastor Bial	Rs. 10,000
17. Hming awm lo	Rs. 1,000

II. Donation

1. Durtlang Bial Kohhran Hmeichhia	Grace Home tan	Rs. 1,000
2. Phainuam Bial Kohhran Hmeichhiar		Rs. 1,000
3. Dr. H. Malsawma & H. Lalrinmawii te nupa, Chaltlang Venglai	Water Cooler & Aqua Filter	
4. Durtlang Kohhran Hmeichhia Centenary Organising Committee	Hospital Library tan Centenary Souvenir Bu 3	
5. Pi B. Lalthuami	Swabstick	2400
6. Cherhlun Pastor Bial Kohhran Hmeichhia	Hmunphiah	110
7. Dr. Vanlalchama, Medical Officer	Mitthi tuamna puan	5
8. Thingsulthliah Pastor Bial Kohhran	Bench	4
9. Thingsulthliah Kohhran Sacrament Dept.	Hmunphiah	11

III. Thisen petue

	Unit pek zat
1. Chaltlang Branch KTP.	78 Units
2. Women Polytechnic, Durtlang	40 Units
3. Taxi Welfare, Hospital Stand	12 Units
4. YMA Zonuam Branch, Aizawl	47 Units
5. KTP, Leitan Pastor Bial	51 Units
6. Hindi Training College, Durtlang	25 Units

Thilpek min petu zawng zawng chungah Pathian hmingin lawmthu kan sawi tak meuh meuh a ni.

Sd/-
(Rev. C.LALBIAKHLUNA)
Chaplain
Presbyterian Hospital

CKTP HRUAITUTE INTUAI THARNA: Kristian Thalai Pawl, Central Committee member thlan tharte chuan May 11 & 12, 2010 hian SMTc-ah Central KTP rawngbawlna chungchang inkawhhmuhna leh intuai tharna hun an hman.

Synod Zaipawl (Mizoram Synod Choir) pawh May thla chawhma lam khan Southern Manipur Gospel Centenary-ah zaia rawngbawlna neiin an kal.



Chungkaw Chanchin

Lungpho Kohhran chuan Feb.16 - March 15,'10 chung khan Pu C. Lalnunsanga (Joshua Operation Team) speaker-a hmangin Camping chhawng thum an buatsaih a, campers 387 lutin Salvation Army, IKK leh UPC Kohhran mi thahnem tak an tel. Thlarau Thianghlim hnathawh a lang nasa a, Kohhran leh khawtlang boruak a nawm phah hle. Tawngtai Maicham nung taka kalpui a ni a. Biak in leh in hrang hrangah a tul dan ang zelin tawngtaina an hmang kual thin a. Chawn ghei tawngtaina buhfai an thawh khawm hi mi harsa tan an dah thin.

Pawlrang Kohhran chuan Feb.18 - March 24, 2010 chungin Pu R. Lalbiaksanga, speaker-a hmangin Camping chhawng nga an buatsaih a. Camper 500 chuang an lut a; Kohhran pawl hrang hrang atangin mi eng emaw zat an lut bawk. Khawtlangah harhtharna a thleng a, taksa chetna an chang thar eng emaw zat an awm. March 24 khan khawtlang huapin hlim takin ruai an kil ho nghe nghe.

Puilo Kohhran leh an khuua Isua Krista Kohhran chuan March 6 - 11, '10 chung khan Upa C. Lalchawimawia leh Upa K. Tlangbuailiana te speaker-a hmangin Puilo Presbyterian Kohhran Biak Inah Jt. Crusade an buatsaih a, Thlarau Thianghlim harhna leh Kohhran pahnihte inpumkhatna ropui tak a thleng. Pathian inpuanna ropui tak avangin IKK chuan thununna tawk mek tan ngaihdamna an puang. Bethel hmunah tawngtaina in te sain Kohhran an hrah thar nasa hle.

Tiangmawi Kohhran chuan March 6 - 16. 2010 chung kha n Pi PC Vanlalnglaki (Jehova Jire Team) speaker-a hmangin Camping chhawng hnih leh naupang lang Camp an buatsaih a; Kohhran chungkuaah siamtharlehna chang an thahnem hle. March 15, '10 khan Bawng chal talhin Kohhranin ruai an buatsaih a; hemi tukah hian Upa C. Darrimawian vawk a thawh a, ruai an buatsaih leh bawk. Naupang lamah Halleluia leh chawnghei tawngtai te, thalai lamah tawngtai tlaivar thawm a tha hle bawk. Hemi ina a hrin chhuah Pavalai pawl din a ni bawk. Good Friday-ah pawh Kohhranho thawh khawmin ruai buatsaih a ni.

Sesawng Vengthar Kohhran chuan March 13 - April 4, '10 chung khan, Kraws Fate Team Speaker Tv. Lalhruaimawia hmangin Crusade leh Camping chhawng thum an buatsaih a. Kohhran dang atanga lut te nen, campers 367 an lut a. Pathian hnathawh ropui tak a thleng a, chhandam nih inhriatna leh Thlarau nun siam tharna an changte avangin khawtlang nun a danglam phah hle.

Tiangpui Kohhran chuan March 14 - April 4, '10 chung khan Kraws Chhuangtute Team ruaiin Camping chhawng thum leh Naupang lang Camp an buatsaih a. Kohhranhoten thlarau lam malsawmna thar an dawng nasa hle. Heng vang hian tisa leh Thlarau lam ruai buatsaihin Pathian an chawimawia, Kohhran rawngbawlnaah mi thar duhawm tak tak an pen chhuak zel a, an hlakpui hle.

Thanglailung Kohhran chuan April 3-11, 2010 chung khan Pu K. Dohleia (Evangelistic Team) speaker-a hmangin Camping chhawng hnih leh Naupang pual lang camp an buatsaih a, Camper 289 an ni a, Salvation Army atang pawhin mi eng emaw zat an lut bawk a. Kohhran leh khawtlang boruak pawh a nuam hle.

SMB HNUAIA MISSIONARY THAR

Synod Mission Board chuan Mission rawngbawlna hmun hrang hranga thawk turin missionary II a la thar a; an awmna tur nen hetiang a ni:

Sl.	Hming & Veng	Awmna tur	Hna hming
1.	T. Lalthafamkima Darlawn Kawn Veng	Karbi Anglong PMS Diphu	Evangelist Teacher
2.	Vanlalliana Sonset Nongrim Hills, Shillong	H/M 'N' RTMS Tuipuibari II	Evangelist Teacher
3.	T. Rosangliana Khumtung	Arunachal W	Evangelist
4.	Laldintluanga S. Sabual	Arunachal W	Evangelist
5.	Hmingthansanga, P.C. Bilkhawthlir Saron Veng	Arunachal W	Evangelist
6.	Laldawngliana Tuipuibari Centre	CES, Karbook, Tripura	Evangelist Teacher
7.	S. Lalrinsanga Tuipuibari II	H/M 'N', Marpara	Chakma Gospel Team member
8.	H. Lallawmzuali Ramhlun 'S'	Arunachal E Ngechang	Staff Nurse
9.	Laldintluangi Chhangte Chhinga Veng E	Siliguri, Ektiasal	Staff Nurse
10.	Lalrinawmi Saron Veng	H/M 'N',	Staff Nurse
11.	Zoathanmawii Tlangnuam Vengthar	H/M 'S', Parva I	Staff Nurse

(Sl.3-5 te thawhna hmun tur hi Field Working Comm.-in a rel ang)

Heng thawktu lak tharte pual hian May 7, 2010 khan Pi Zaii Hall-ah chinchang inkawhmuhna (Orientation) hman a ni a, SMB headquarters office-a thawkten an hmanpui. Thawktu tharte hian an awmna hmun turah May 14, 2010 hian an hna zawm tura beisei an ni.

NEICC THALAI INKHAWMPUI

India hmar chhaka Kohhran hrang hrang thawhhona NEICC hnuaiia Thalai Pawl chuan May 6-9, 2010 chung khan BCM Chanmari Kohhran, Lungleiah Youth Assembly vawi 13-na an hmang. YA Thupui, 'Thalaite - Kohhranho beisei' tih chu Rev. Dr. Roger Gaikwad, Principal, ATC; Rev. H.M. Songate, Executive Director NEICORD leh Rev. Dr. K. Thanzauva, BCM-ten an sawi. Hmar lam atangin Central K. T.P hruaitu pakua leh palai thlan mi 30 vel an kal a, Chhim Bial lama Presbyterian Kohhran Pastor Bial 15 atangin thalai eng emaw zat kal tura beisei an ni bawk.